

北斗九皇隱諱經

黃老經曰北斗第一入樞星則陽明星之寃神也第二天璇星則陰精星之魂神也第三天機星則真人星之魄精也第四天權星則玄冥星之魄精也第五玉衡星則丹元星之

魄靈也第六闡陽星則北極星之魄靈也第七瑶光星則天關星之魂大明也第八洞明星則輔星之魂精陽明也第九隱元星則洞星之寃明空靈也陽明星天之太尉司政主非上總九天上真中監五嶽飛仙下領後學

真之人天地神靈功過輕重莫不隸焉陰精星天之上宰主祿位上總天宿下領萬靈及學仙之人諸以學道及兆民宿命祿位莫不隸焉真人星天之司空主神仙上總九天高真中監五嶽靈仙下領學道之人真仙之官

莫不隸焉玄冥星天之遊擊主伐逆上總九天鬼神中領北帝三官下監萬兆伐逆不臣諸以凶勃莫不隸焉丹元星天之斗君主命錄籍上總九天譜錄中統鬼神簿目下領學真兆民命籍諸天諸地莫不總說北極星天

之太常主昇進上總九天上真中統五嶽飛仙下領學者之身凡以功勳得轉輪階級總之為天關星天之上帝主天地機運如四時長短天地否泰切會莫不隸焉輔星天尊玉帝之星也曰常者陽主飛仙上總九天下領

九地五嶽四齋神仙之官悉由之為洞星太常直星也曰空者常空隱也主變化無方河圖寶錄云第一陽明星天之太尉司正主非上總九天之真中監五嶽飛仙下領後學真人天地神靈功過輕重圖九百二十里有青

城玉樓據斗真人號九晨君姓上靈諱掃天提冠九晨玉冠衣青羽飛裳執斗玄圖坐玉樓中知內諱者玉晨下映飛行太空第二陰精星天之上宰主祿位上總天宿下領萬靈及學仙之人圍五百五十五里有五色玉樓

攀魁真人號北上晨君姓育嬰諱激明光冠玄精玉冠衣玄羽飛裳執五色羽節第三真人星天之司空主神仙上總九天高真中監五嶽靈仙下領學道之人圍七百七十里有黃臺玉樓真人號主仙華神君姓歸琳諱度

衆踏冠飛晨寶冠衣青羽飛裳執斗中青錄第四玄冥星天之游擊主伐送上總九天鬼神中領北帝三官下監萬兆圍八百里有朱臺玉樓按斗真人號玄上飛蓋晨君姓真樞諱搖天柱冠二華寶晨衣丹錦飛裳執九靈

之節第五丹元星天之北斗君主命錄籍上總九天諸錄中統鬼神簿目下領學真兆民命籍諸天諸地莫不總統圖七百二十里有素臺金樓躡紀真人號金魁七晨君姓上開諱變五道冠七寶飛天冠衣白錦飛裳執青

元籍第六北極星天之太常主昇進上總九天上真中統五嶽飛仙下領學者階級圍七百七十里有玄臺玉樓步剛真人號北晨飛華君姓明靈諱昌上元冠飛精華冠衣紫錦飛裳執九斗玉策第七天關星天之上帝主

天地機運四時長短否泰切會圍九百里有九層玉樓乘龍真人號總靈九元北蓋晨君姓玄樞諱開天徒冠九元寶冠衣九色錦裳執暉神之印第八輔星天尊玉帝之星曰常陽也主飛仙上總九天

下領九地五嶽四瀆神仙之官園九百九十
里紫炁玉樓遊行三界真人號帝尊九晨君
姓精常諱空上開正延冠飛精衣冠玉九色
鳳永執火鈴第九翔星太帝真人星曰空隱
也主變化無方園九百九十里有玉樓紫館

徘徊三陽真人號帝真元晨君姓幽空諱冥
陽暉幽寥冠飛天玉冠衣九天龍永執帝章
兆若訴彼之非明此之是過他之惡申己之
善自責而不怨人通理而各析柘除罪延福
告請

天之太尉第一玉皇君兆若陰陽學官千祿
求位告請天之上宰第二玉皇君兆若學道
期仙通神達聖造請天之司空第三玉皇君
兆若制服鬼神惡逆誅伐幽顯凶邪告請天
之游擊第四玉皇君兆若立功建德益算延
年告請天之斗君第五玉皇君兆若屈滯疾
厄乞申希免告請天之太常第六玉皇君兆若
天地否激炁候不調告請天之上帝第七玉
皇君兆若讓却衆災飛上履下告請天之尊
玉帝第八玉皇君兆若變化無方應救一切

告請天之太帝第九玉皇君右九皇君九天
人內姓隱諱知之延壽千年常夕夕觀之想
見皇君天人形相威光懾其姓諱諦存在心
得見第八第九星延壽無窮
北斗九皇隱諱經終

正一天師清微弟子 洪百堅 製作
道教學術資訊網站

高上玉宸憂樂章

結我自然氣凝化紫鳳城高臺超九領漢嶺
成飛瓊煥落重虛上曲折洞八清紫蓋曜雲
宮流暉翳五霞四達無窮野八氣迴圓明扶
搖運太空七景轉天經運來若無相時去隨

化傾九來交度內二象互相任帝一固中元
四網不類靈南採飛皇寶北列廣寒庭玄房
交真會虛歌自然生五帝命靈幡魔旗傲萬
精魔從空中嘯道世樂未央故與曲素辭慶
神欣太平相與契何許萬劫為一齡迴轉九
萬同遊紫鳳軒空生紫鳳臺瓊闕參太微靈
風洞八會北牖閭闔開上有嘯歌兒常唱運
喪衰朝則乘景遊暮則附景歸二景齊一體
常恐失景暉九炁不常居天地有傾危大劫
終一椿百六乘運迴洪泉湧九嶺大鳥翔天
垂萬蠶飄長流顧山不得依號泣無崖際能
不傷人懷賢聖誦經故得乘景飛至時相奉
迎同會九天靡數盡金馬辰萬痛交橫馳不
見覺仙人但能哭屍悲嗟此愚夫質持命痛
可哀散憂九玄臺聚樂借太空攜契十天真